



МЕСЯЦА ОКТЯБРЯ В 13-й ДЕНЬ

Празднование Пресвятѣй Богородице в память пренесения чудотворныя Ея иконы, Иверскія в Москву

НА МАЛОЙ ВЕЧЕРНИ

На Господи, воззвах: стихиры, глас 1:

Приидіте, вси людіе, / верою сошѣдшеся, / прославим Владычицу Богородицу, Заступницу рода нашего, / и, обстоюще честную икону, любезно облобызѣим ю, глаголюще: / радуйся, Пречистая Дево, / радуйся, Мати Господа Вышняго, / радуйся, покрове и спасение душ наших.

Радуйся, Афонская Горб, / слава бо Господня на тебе возсия. / Яко бо многосветлая звезда, прииде от востока к западу, / в столпѣ огненне явися икона Богоматере, / озаряючи Афон своим пришествием.

Якоже Моисею в Синѣи купинѣ явися иногда, / огнем убо опаляема, и невредима пребывши, / тако и Всенепорочныя священный образ огнем одевается и неопалимъ пребывѣет, / освящая взирающія с верою на него.

Грядіте радостно, иноков афонскихъ лица, / почерпите благодать неоскудную от иконы Богоматере, огнем блистающіяся, / и примите с верою и любовью: / яко во стѣну и ограждение обителемъ вашимъ преславно даруется, / да покрываетъ васъ отъ всехъ врагъ видимыхъ и невидимыхъ.

Слава, и ныне, глас 5:

Приидите, людие, / чудотворному и всечестному поклонимся Божия Матере образу, / егоже дарова обители Иверстей яко стража неусыпна и необорима: / ограждает бо святую обитель и вся живущия на Афоне своим Покровом / и дарует обильныя дары исцелений / от неистощимаго источника святых иконы всем, тую почитающим. / Темже воспевающе, воззовем Первообразней: / радуйся, мируи помощи и утешение душ наших.

Прокимен дне.

На стиховне стихиры, глас 2:

Вместилище чистое Света Пречистаго, Богородице, / славим Тя и поем, раби Твои, / яко явлением пречестных Твоя иконы нас освящаеши.

Стих: Воскресни, Господи, в покой Твой, / Ты и кивот святыхи Твоя.

Слава Тебе, Христе Царю, / слава многому о нас милосердию, / ибо даровал еси икону Твоя Пречистых Матере, / благодати токи нам неоскудно изливающую.

Стих: Клятся Господь Давиду истиною / и не отвержется ея.

Днесь, благовернии людие, светло празднуем, / осеняеми иконы Богоматере пришествием, / с верою приемлюще в ней стража нам неотступна, и возопиим Богородице: / покрый нас от всякаго зла и спаси души наша.

Слава, и ныне, глас 6:

Притецем к тихому пристанищу / и Заступнице рода нашего, Деве Марии, / поклонимся честному Ея Ангелы почитаемому образу, умильно зовуще: / призри, Благосердая Мати, / на лютыя скорби, нас обдержажия, / и исцели болезни душ наших.

Тропарь Богородице, глас 1:

Дерзость ненавидящих образ Господень / и держава нечестивых безбожно в Никею прииде, / и посланнии безчеловечно вдовицу, / благочестно чтущую икону Богоматере, истязуют, / но

тáя нощию с сыном икону в море пусти́,
вопи́ючи: / слава Тебе, Чистая, / яко непроходи-
мое море плещи́ своя подаде́, / слава правоше́-
ствию Твоему, Едина Нетленная.

Слава, и ныне, ин тропарь, глас тойже:

От святыя иконы Твоея, / о Владычице
Богородице, / исцеления и цельбы́ подаются
обильно, / с верою и любовью приходя́щим к
ней. / Тако и мою немощь посети́ / и душу мою
помилуй, Благая, / и тело исцели́ благодатию
Твоею, Пречистая.

Ектенія и отпу́ст.

НА ВЕЛИЦЕЙ ВЕЧЕРНИ

На Господи, возвах: стихиры на 8, глас 5:

Красуйся, Афоне, / радуйся и веселися, оби-
тель Иверская: / се бо грядет чюдная икона
Богоматере, / Ангелы по морю дориносима, / све-
том неизреченным сияючи, / мрак скорбей и
печалей прогоняючи / и всех лучами своея мило-
сти озаряючи.

Тебе припадают, Госпоже, / иноков ли́цы и
пóстников сословия / и, любезно взирающе на
святую икону Твою, вопи́ют Ти: / прииди́ к нам,
Благая Мати, / ущедрѣ чтущия Тя / и даруй нам
святый образ Твой / в залог милости и спасения.

О, преславнаго чудесе́! / Якоже бо Моисе́ю в
Сина́и купина явися иногда, / огнем убо опаля-
ема и невредима пребывши, / сиче и Всенепороч-
ныя Богородительницы образ огнем одевается,
но неопали́м пребывает, / просвещая и нас, сү-
щих во мра́це, / и невредимы в пещи́ искушений
и бед сохраняя.

Гряди́, Гаври́иле, / снѣди немóкренными нога-
ми в море / и приими́ во объ́тия икону
Богоматере / на радость Афону, / на ограждение
обители Иверския / и всем христианом во утеше-
ние.

Богородице Дево, державная Помощнице, /
ныне обитель Иверская о Тебе хвалится и
веселится, / иму́щи Тя Заступницу непостыдную
и стéну неруш́иму, / основание непоколеб́имо,

стража неусыпна./ Не престай, Госпоже, Твоими молитвами и всегда избавляти обитель Твою/ и вся люди от всех напастей.

Подаждь утешение рабом Твоим, Чистая,/ напастями одержимым,/ и рог верных вознеси, Богородительнице,/ спаси молитвами Твоими обитель сию и грады православныя,/ укрепи на враги славящие Тя,/ вся верныя рабы, хвалящая Тя, защити.

Пречистая Твоя икона, Богородице Дево,/ врачевство духовное всего мира явися:/ к нейже прибегаем, Тебе поклоняющемся,/ почитаем и лобызаем ю и исцелений благодать получаем,/ недугов душевных и телесных страстей / Твоими молитвами свободяющемся.

Яко порфирю царскою и вѣссом,/ иконою Твоею и Твоего Сына, Богородице,/ обитель Иверская украсившись, днесь сияет чудесы,/ благодатию Святаго Духа паче света солнечнаго блистающися:/ в той бо на болящих и недужных исцеления изливаются/ и всем даруется богатая милость.

Слава, и ныне, глас 8:

О Мати Благая, Госпоже Богородице Дево!/ Не отрини нас, смиренных раб Твоих,/ пред пречистою Твоею иконою недостойныя молитвы приносящих,/ буди теплая ходатаица о нас, грешных, к Сыну Твоему,/ избави нас от всех бед и искушений,/ да спасаеми Тобою, вѣну вопием Ти:/ радуйся, Благая Вратарнице,/ двери райския нам отверзающая.

Вход. Прокимен дне и чтения.

Бытия чтение (глава 28):

Изыде Иаков от студенца клятвеннаго/ и иде в Харрань./ И обрете место, и спа тамо:/ зайде бо солнце./ И взят от камня места того и положи возглавие себе,/ и спа на месте оном./ И сон виде:/ и се лѣствица утверждена на земли, еяже глава досязаше до Небес,/ и Ангели Божии восхождаху и низхождаху по ней./ Господь же утверждашеся на ней и рече:/ Аз Бог Авраамов, отца твоего, и Бог Исааков, не бойся:/ земля,

идеже ты спиши на ней, тебе дам ю и семени твоему./ И будет семя твое, яко песок земный,/ и распространится на море, и ливу, и север, и на востоки,/ и возблагодарятся о тебе вся колена земная, и о семени твоём./ И се аз с тобою, сохраняяй ты на всяком пути, а може аще пойдеш, / и возвращу ты в землю сию:/ яко не имам тебе оставити, дондеже сотворити ми вся, елика глаголах тебе./ И воста Иаков от сна своего, и рече:/ яко есть Господь на месте сем, аз же не ведех./ И убояся, и рече:/ яко страшно место сие;/ несть сие, но дом Божий, и сия врата Небесная.

Исхода чтение (глава 3):

Моисей бѣше пасый овцы Иофора, тестя своего, священника Мадямска,/ и гнаше овцы в пустыню; и прииде в гору Божию Хорив./ Явися же ему Ангел Господень в пламени огненне из купины;/ и видит, яко купина горит огнем, купина же не сгараше./ Рече же Моисей:/ мимошед, увижду видение великое сие, яко не старает купина./ Егда же виде Господь, яко приступает видети,/ воззва его Господь из купины, глаголя:/ Моисее, Моисее./ Он же рече: что есть, Господи?/ Он же рече: не приближайся семо;/ изуй сапоги от ног твоих:/ место бо, на немже ты стоиши, земля свята есть.

Исхода чтение (глава 13):

Обведе Бог люди путем, иже в пустыни, к Черному морю:/ пятого же рода изыдоша сынове Израилевы от земли Египетския./ И взя Моисей кости Иосифовы с собою,/ клятвою бо заклѣ Иосиф сыны Израилевы, глаголя:/ присещением присетит вас Господь, и изнесете отсюда кости моя с собою. Воздвигшися же сынове Израилевы от Сокхофа,/ ополчшася во Офоме при пустыни./ Бог же вождаше их:/ в день убо столпом облачным показати им путь,/ нощию же столпом огненным светити им./ И не оскуде столп облачный во дни,/ и столп огненный нощию пред всеми людьми.

На литии стихиры, глас 8:

Приидите, празднoлюбцы и по́стников сословие, / верою сошедшеся, хвалебныя песни принесем Марии Приснодеве, / днесь бо настá светлое торжество, / явление честнѣя Ея иконы Йверския, / юже обсто́яще со страхом и любовью, воспойм Богородице: / раду́йся, неисповедимая радости всем; / раду́йся, образом Твоим святым нас просвещáющая; / раду́йся, всем похвалó и утверждение; / раду́йся, спасение душ наших.

Что Ты наречём, Богородице Дево: / столп ли огненный, к вечному наследию нас ведущий; / стену ли крепкую, яко православный род защищаеши; / стража ли неусыпна, яко обитель Твою охраняеши и спасаеши. / Темже от належáщих бед избавляеми, возопийм Владычице: / раду́йся, благѣх виновная, / известное христиан упование.

Слава, и ныне, глас 5:

Радуется Афон, ликовству́ет обитель Йверская, / торжествует и вся страна Российская: / Божия бо Матерь чудотворным Своим образом мѣлостивно нас посетѣла есть, / дарует же нам в нѣждах помощь, в скóрбех утешение, / в болезнѣх исцеление, в бедáх избавлѣние / и всем верным велию милость.

На стиховне стихиры, глас 4:

Славное иконы Твоея явление, / Богородице Пренепорочная, славословим днесь / и Твое заступление нам прáзднуем, / яко бо Мати сущи Живота, / мóлиши о нас Христа Бога нашего, / на Тя крепкую надежду возложивших, / Путеводѣтельнице нелóжная нашего спасения.

Стих: Помяну имя Твое / во всяком роде и роде.

Отложим, вернии, печаль: / се бо вторая неопалѣмая купина, икона Богоматере, / йноки афонскими зрѣмая, / на очищение грешных является.

Стих: Слыши, Дщи, и виждь, / и приклони ухо Твое.

Назнáменующи во странствии житейстем Твое нам водѣтельство, являешися, Богомати, в столпе

огненне, / да нас, блуждающих, / путево́диши к вечным обителем.

Слава, и ныне, глас 5:

Приидите, вси мона́си и мирстии, / прославим Пречистую Деву Богородицу: / днесь бо, ради священные иконы, / в мори пути́е Ея и стези́ Ея в вода́х многих: / от Нике́и бо в столпе́ о́гненне понт морский ко Афону переходит / и дар пришествием Своим верным подаёт. / Мы же, просвещаемы лучами благодати, / Ходатаицу спасения нашего ублажаем.

НА УТРЕНИ

По 1-й кафизме седален, глас 1:

Пресветлаго зра́ка Твоего явление / радость приносит всем верующим / и обители Иверстей дарует стра́жа неусыпна / и от бед избавление. / Темже поем Ти, Пречистая: / покрыва́й нас присно Покр́вом Твоим.

Слава, и ныне, глас 8:

Сей день Господень, радуйтесь, людие, / се бо светоносный облак на возду́се чу́дно простира́ется, / и столпо́м о́гненным пред Афоном явлется / Едина и Единого на руках Ма́терних держащи Христа, / Зиждителя вселенных, / во спасение душ наших.

По 2-й кафизме седален, глас 3:

Веселятся днесь свѣтло Афона па́сты, / пѣсней множество слагают, / любовью Непорочную почитающе, / величеством благодати крася́щися, / юже прияша пришествием иконы Всенопорочныя Отроковицы, / зарями Боговѣдения благочестно поющих озаряющия.

Слава, и ныне, глас 5:

Чудо преславное зрится днесь: / в вода́х бо о́гненосная Богоотрокови́цы икона показу́ется, / и зна́мения лучи испуща́ет, / и пребывание по́стников чудом спасает. / Сего ради благодарственно вопием: / радуйся, Благодатная.

Величание:

Величаем Тя, / Пресвятая Дево, / Богоизбранная Отроковице, / и чтим образ Твой святы́й, /

имже тóчиши исцеления / всем, с верою притекающим.

Псалом избранный: Помяни, Господи, Давида и всю кротость его:

По полиелеи седален, глас 8:

Величие Твое кто исповесть, Богородице, / явлением бо Твоя иконы удивила еси вся православныя, / многия недуги врачующи и болезни исцеляющи. / **О** Всемиловитая Владычице, / не лиши нас и ныне Твоего заступления, / но молитвами Твоими защити и спаси православныя люди / и силою Твоею оградí, / да Тобою хвалящися / и все упование на Тя возлагающе, / не постыдимся во веки.

Слава, и ныне, тойже.

Прокимен, глас 4: Помяну имя Твое во всяком роде и роде. **Стих:** Отрýгну сердце мое слово благо. **Всякое** дыхание да хвалит Господа. **Стих:** Хвалите Бога во святых Его. **Евангелие от Луки, зачало 4.** По 50-м псалме: **Слава:** Молитвами Богородицы, / Милостиве, очисти / множества согрешений наших. **И ныне:** тойже. **Помилуй** мя, Боже:

Стихира, глас 6:

Егда явление чýднаго Твоего образа приспé, / тогда афонстии отцы, / столп огненный на мóри зряще, / страхом одержими, недоумеваху. / Гавриыл же, яко вторýй Петр, по мóрю ходя, / со слезами вопияше Тебе: / о Пресвятая, / прииди и сохрани достояние Твое от враг ненавётно.

Канон Пресвятей Богородице на 8,

ирмосы по дважды, глас 8.

Песнь 1

Ирмос: Колесницегонителя фарабня погрузи, / чудотворяй иногда, / Моисейский жезл, крестообразно поразив / и разделив море, / Израиля же беглеца, пешеходца, спасе, / песнь Бóгови воспевающа.

От скверных устен хваление прими, Всенепорочная, / якоже прежде Сын Твой, Бог же мой и Господь, прият две лепты вдовицы, / и разрешение прегрешений моих подаждь, / яко да по долгу величаю Тя.

Ангельское пение подобаше Тебе, Матери Божией, / Творца бо сих родила еси странно. / Но

и от нас прими, Владычице, смиренныя сия молитвы, / да поем Господеви: / славно прослави-ся в нашей немощи.

Огустеша воды, огустеша и волны посреде моря, / носяща Твою, Богомати, икону. / Утверди и мое подвигшееся сердце на камени заповедей Христовых.

Помощница и Покровительница была еси, Дево, обители Иверския, / вбев Амиры с корабли их в мори погрузивши, / но потопи в пучине милосердия Сына Твоего / вся моя душевныя страсти и безчисленная моя прегрешения.

Песнь 3

Ирмос: Утверждей в начале Небеса разумом / и землю на водах основавый, / на камени мя, Христе, заповедей Твоих утверди, / яко несть свят паче Тебе, Едине Человеколюбче.

Утверди сердце мое во уповании на Тя, Богомати, / изми всякую гордыню и превозношение из помраченного ума моего, да вопию: / несть свят, яко Господь, и несть праведен, яко Бог наш.

Ты, о Богомати, немощствующия препоясуеши силою, / алчущия насыщаеши; / посети и мою немощь / и алчущаго и жаждущаго мене насыти Животнаго Хлеба, / чрез Твою девственную утробу спешаго с Небесе на землю.

Возстави, Владычице, от земли мене, убогаго, / и от гнобца греховнаго воздвигни, нищаго, / даждь молитву мне, молящемуся, / да, величая, пою Твое заступление.

Неплодствующий мой ум плодосен покажи, Благая Дево, / от неплодове рождаемая: / Ты бо плодосие всех благ явлением иконы Твоея подаеши.

Седален:

Светлое днесь Заступницы нашея наста торжество. / Да възграется тварь, / да ликоствуют человечестии собори, / созывает бо нас Святая Богородица видети огненосную икону Свою, / лучами милости верныя просвещающую. Темже, радуящися, вопием: / спаси, Госпоже, от глада,

огня, меча и бед вся почитающия явление иконы Твоея.

Слава, и ныне, тойже.

Песнь 4

Ирмос: Ты моя крепость, Господи, / Ты моя и сила, / Ты мой Бог, Ты мое радование, / не оставль недра Отча / и нашу нищету посетив. / Тем с пророком Аввакумом зову Ти: / силе Твоей слава, Человеколюбче.

Покры Небеса добродетель Твоя, Богомати, / и хвалы Твоея исполнися земля, / но положи любовь державную крепости Твоея и на мне, отчаянном.

Уготовляющи шествие чудней иконе Твоей, даде бездна глас свой, / воздвижеса солнце, и сияние ея яко свет бысть, / но Ты изшла еси на спасение людей, / спасти Твое наследие пришла еси.

Услышавше слух пришествия Твоего, иноцы убояшася; / уразумевше же дела Твоя, ужасошася, / но внемгда смутитися души моей, милость Твою помяни, Владычице, да взываю: / слава заступлению Твоему, Богомати.

Ты еси моя крепость и сила, Богородице, / Тобою почию в день скорби моея, / и из стран пришествия взыду Тобою в Небесное наследие, / и возрадуюся о Господе и Бозе, Спасе моем.

Песнь 5

Ирмос: Вскую мя отринул еси / от лица Твоего, Свете незаходимый, / и покрыла мя есть чуждая тьма, окаяннаго, / но обрати мя и к свету заповедей Твоих / пути моя направи, молюся.

Виждь, Чистая, от ноци утренюющия люди паствы Твоея, / икону Твою Богохвальную обстоющия, / разрешения же грехов просящия, и жития исправления, и Божественныя славы причастия: / не отрини убо нас от лица Твоего, Света незаходимаго Мати.

Всею душею и мыслию в пастве Твоей вси сликующе, / псалмы, и песньми духовными, и пением Божественным икону Твою почитают, / прощения грехов просяще и душ спасения. / Ты

же, исцеление наше сущи, сия вся подаждь, Владычице Богоневесто.

Храм Твой, Дево, яко рай другій показáся ныне, / яко древо жизни имея икону красоты Твоея, / юже вси усердно со благоговением и любовию целующе, взываем: / Владычице, мир даждь нам, / Владычице, стяжи нас, / иного бо разве Тебе утешения не вемы.

Рэку Тя сладкую и поток насыщѣния, / манну Небесную, изобилие и благодать приснотекущую во обители Твоей живущи стяжавше, / поют Рождество Твое, Отроковице.

Песнь 6

Ирмос: Очисти мя, Спасе, / многа бо беззакония моя, / и из глубины зол возведи, молюся: / к Тебе бо возопих, и услыши мя, / Боже спасения моего.

В скорби сѣрдца вопию ти, Владычице, / житейскаго моря потопляем бурею, / к Тебе, яко тихому пристанищу, прибегаю: / возведи от тли живот мой.

Бездна последняя грехов обиде мя, и исчезает дух мой, / но простри, Владычице, высокую Твою мышцу / и, яко Гавриила, и мене, ко Твоей иконе прибегающа, невредима сотвори.

Не отрини мене до конца от лица Твоего, Мати незаходимаго Света, / не попусти мне погрязнути в пучине беззаконий, / но возведи мене от блата страстей, да въздет из истления живот мой / и пожру Тебе со гласом хваления и исповѣдания.

Храм носяй телесный весь осквернен, / Тебе, Пречистому храму Вечнаго Слова, / дерзаю в честнем храме Твоем, пред Твоею святою иконою приносить смиренныя моя молитвы. / Ты же, яко Милостивая, очисти мя Твоим благоутробием.

Кондак, глас 8:

Аще и в море ввержена бысть святая икона Твоя, Богородице, / от вдовицы, не могущия спасти сию от врагов, / но явилася есть хранительница Афона / и вратарница обители Иверския, враги устрашающая / и в православней Российской стране / чтущия Тя от всех бед и напастей избавляющая.

Икос:

В столпé огненне явльшуюся Богоматере икону видевши, / возопиша постников иверских лица: / о Владыко, сподоби нас прияти икону Матере Твояе во утешение странствия нашего; / ты же, Гавриїле, дерзай и вниди в море, / и прими во объятія твоя сокровище, нам являемое, / да будет нам страж неусыпный, покров же, и радость всем христианом, / и хранительница, от бед и напастей избавляющая.

Песнь 7

Ирмос: Божия снизождения / огонь устыдеса в Вавилоне иногда, / сего ради отроцы в печи радованною ногою, / яко во цветнице ликующе, пояху: / благословен еси, Боже отец наших.

Согрешихом, беззаконновахом, неправдовахом пред Господем, / но, Владычице моя Богородице, / яко Благая угаси огонь Его праведнаго гнева Твоим теплым ходатайством, да поем Ему: / отец наших Боже, благословен еси.

В пещи́ искушений и бед опаляемья ороси, Богомати, струями Твоих щедрот, / да посрамятсѣ врази наши и да разумеют вси, / яко Ты едина еси Владычица Богородица, по всей вселенней славимая.

Престоле Царя Славы, Честнейшая Херувим, одушевленный храмѣ, в немже вселіся Господь, / твердь Небесная, на нейже возсия Солнце правды, Христос, / Тя поем, Богомати, и превозносим во вся веки.

Ты еси веселие и в пустынях живущим, / Ты еси и стольнаго града утешение и похвала, Дево Марие, / препетая и превозносимая во веки.

Песнь 8

Ирмос: Седмерицею пещь / халдѣйский мучитель / Богочестивым неистовно разжже, / силою же лучшею спасены сия видеви, / Творцу и Избавителю вопіяше: / отроцы, благословите, / священницы, воспойте, / людие, превозносите во вся веки.

Поют Тя Ангельския силы, превозносит человеческий род, / благословит Тя вся тварь, Пречистая Дево Богородице. / Приими и от мене, недостойнаго, приносимое Тебе хваление.

Пойте, иноцы Афона, / благословляй, земле Иверская, / превозноси, вся странó Российская, Благоу́ю Владычицу, / реки чудес от Своея чудотворныя иконы источающую. / Хва́лим, благословим, покланяемся Ти, Богородице, по́ще и превознося́ще во вся веки.

Подобием иконы Иверския не то́чию святы́й Афон просвещается, / но и стольный град Москва украшается, / от того чудесную помощь приёма и источник утешения в нем обретая.

Еще и страна Новгородская и инии гра́ды и ве́си / подобием Иверския иконы Твоея, Владычице, освяти́шася и чудесы просветишася, вопиюще: / Господа пойте и превозносите во вся веки.

Песнь 9

Ирмос: Ужасеся о сем Небо / и земли удивишася концы, / яко Бог явися человеком плóтски / и чрево Твое бысть пространнейшее Небес. / Тем Тя, Богородицу, / Ангелов и человек чиноначалия величают.

Тайна глубины́ Рождества Твоего ум Ангельский ужасает, Дево, / и пречистая икона Твоя демоны прогоняет, / не терпя́ще бо взирати на силу ея, бегают и исчезают. / Мы же той любезно покланя́емся и облобыза́ем и Тя, Богородицу, величаем.

Приидите вси, поклонимся, припадём и возвеличим Божию Матерь, / призрѣвшую на нас, смиренных, алчущия исполняющую благ / и положившую с нами завет милости во явлении Своея дивныя иконы.

Богородице Дево, упование христианом, / проба́ви и нашему роду милости Твоя, бывшия отцем нашим, / покрый и соблюди нас от всякаго зла.

О Всемилостивая христианом Помощнице, / не может Тя воспети достойно язык человеческий и Ангельский, / яко всея твари честнейшую и земных сла́внейшую, / но прими́ милостивно сие приносимое Тебе от нас моление / и спасай нас всегда, на Тя бо упование возложихом.

Ексапостиларий:

Икону Твою всечестную́ при́йм Гаври́ил во объятия, вопия́ше Тебе, Владычице: / о сладкая

Мати Царя Христа,/ бѹди покров Твоей обители,/ радость же всем христианом и Споручница жизни вечныя.

На хвалитех стихиры на 4, глас 4:

О, несказанныя благодати!/ **О**, славнаго явления иконы Богоматере,/ яже сияет чудесы и просвещает благодатию верно приходящия!/ Юже с веселием приемлюще,/ Чистую Богоотроковицу/ достождбно пѣсньми почитаем и ублажаем.

О, преславнаго Твоего о нас, Владычице, промыслѣния!/ Чѹдную бо Твою икону Афону посылаеши/ и яко стража нам неусѣпна тѹю подаеши милостивно/ и утешение странствию нашему./ Темже, познавше Твоя честная чудеса, пѣсньми Тя величаем.

О, преславнаго чудесѣ!/ Како огненосная икона на волнах морских, яко на колеснице носится,/ светлыми лучами благодати умы просвещающи;/ еже торжество пѣсньми почитающе радостно,/ славу возсылаем Богородительнице.

Слава, и ныне:

Твой глагол исполняя, Богомати,/ праведный Гавриѣл немокренно по воде морстей пешешествова/ и, восприим священную икону Твою,/ лик пѣсенный состави/ и торжество с постники афонскими совокупѣ./ Темже и мы, удивляющесе, вопием Первовинковному:/ слава Тебе, сотворшему дивная,/ Единому Царю и Богу, молитв ради Богородицы!/ Сохрани люди христианския/ и победы на враги даруй, яко Всесилен.

Славословие великое и отпуст.

На Литургии: Блаженны от канона, пѣснь 3-я и 6-я. Прокимен, пѣснь Богородицы, глас 3: Величит душа Моя Господа, и возрадовася дух Мой о Бозе, Спасе Моем. Стих: Яко призрѣ на смирение рабы Своея, се бо отныне ублажат Мя вси роди. Апостол к Филипписѣом, зачало 240. Аллилуиа, глас 8: Слыши, Дщи, и виждь, и приклони ухо Твое. Стих: Лицу Твоему помолятся богатии людстии. Евангелие от Луки, зачало 54. Причастен: Чашу спасения прииму и Имя Господне призову.

зри Вѣдомо буди, яко празднование Пресвятей Богородице святых ради Ея иконы Иверския творится октября в 13-й день, февраля в 12-й день и во вторник Светлых седмицы по уставу святаго Благовещения.

**В
ТОЙЖЕ
ДЕНЬ**



Святых мученик Кáрпа, Папíлы, Агафодóра и святых мученицы Агафонíки

На Господи, возвах: стихиры, глас 4.

Подобен: Яко́ дóбля:

**Верíгами связуеми и в темнице заключáеми,/
и зверём во снeдь издава́еми, / повéшени и стрú-
жеми, во огонь же вметáеми, / и Божественную
помощь с Небесе приéмлюще, / непоколебíми
пребы́сте любовь Владыки, Спаса всех, / Кáрпе
и Папíле премудрии.**

**На ка́мени веры утвердив твое помышлéние, /
неуклонный мудровáнием, мучениче Папíле, / ка-
менобиéмь, радовался еси, / Божественному подó-
бся мучеников начальнику архидиакону
Стефа́ну, / яко служитель и яко Божиих таин
слуга, / яко сочísлен мучеником и Ангелом собе-
седник.**

**На пути шествующе свидетельства
неукло́нно, / железным обúщам* пригвождаеми, /
врага и губителя жáла, всехвальнии, сокруши́сте
тверде / и победами венча́стесь; / тем вся Христо-
ва Церковь празднует святую вашу память, /
светоно́сную и благознаменíтую.**

Слава, глас 6:

**Яко досто́ин в Боговídцех / Небеса ты видел
еси, преподобне, отвéрзена / и Господа, на Пре-
столе сидяща, / и Херувíми и Серафíми óкрест
Его, / и от тебе паки мы просвещáеши, / священ-
ное твое стадо, Кáрпе, вопиёт тебе: / проси мира
миру и душáм нашим велия милости.**

И ныне, Богородичен или Крестобогородичен:

Подобен: Триднёвен:

**На Древе Живот наш зрящи, / Всенепорочная
Богородице, вíсящъ, / ма́терски рыдающи, вопи-**

* обúща — обувь.

яла еси:/ Сыне Мой и Боже Мой,/ спаси любовью поющая Тя.

На стиховне Октоиха.

Тропарь, глас 4:

Мученицы Твои, Господи,/ во страданиях своих венцы прияша нетленные от Тебе, Бога нашего,/ имуще бо крепость Твою,/ мучителей низложиша,/ сокрушиша и демонов немощныя дерзости./ Тех молитвами/ спаси души наша.

Слава, и ныне, Богородичен.

НА УТРЕНИ

Оба канона Октоиха и мучеников канон на 4, егоже краегранесие: **Карпа и Папилу песньми венчаваю. Иосифово. Глас 1.**

Песнь 1

Ирмос: Твоя победительная десница/ Боголепно в крепости прославися:/ та бо, Безсмертне,/ яко всемогущая противныя сотре,/ Израильтяном путь глубины новосоделавшая.

Карпа и Папилы, крепких истины свидетелей, похваляюще память всесвященную,/ победители тыя соделавшаго Господа славы Боголепно воспойм.

Постническим прежде огнем искусившися,/ страданием же вторбе, мученицы,/ яviste истинно душевное искушение/ и паче злата Божественными нравы возсиясте.

Силою Божественною к ранам, к повешению,/ ко огню и к смерти, славнии, устремившися,/ гонителей крепость победисте/ и нетленными венцы увязостеся.

Богородичен:

Двере Света, от Твоея нерастлennыя утробы возсиявшаго,/ возсияй ми покаяния просветительныя лучи/ и отжени грехов моих мрак, Богорадованная.

Песнь 3

Ирмос: Еди́не Вeдый человеческого существа немощь/ и милостивно в не воображся,/ препояши мя с высоты силою,/ еже вопити Тебе, Святы́й,/ одушевленный храме, неизреченныя славы Твоея, Человеколюбче.

Плод принесл еси Христу приятен и священнейший/ священнаго с тобою Агафодора, раны и язвы претерпевшаго/ и одолевша с плотию врагу безплотному знания крепостию.

Неправедно сокрушаемъ, мудре, повелением судящаго, / и по ребром стружемъ терпел еси; / огнем же паки подпаляемъ, / струями кровными прелести угли погасил еси, Карпе многострадальне.

Видети желая Христа, вися высоко, и огнем перси поджигаем, / доблественно терпиши, Богомудре Папале, / росю Духа яве орошаемъ и Божественными надеждами укрепляем.

Богородичен:

Чертог нескверный Божий, и гору несекому, / и кивот святой, и трапезу вернии Тя вси, Чистая, проповедаем, / и кадильницу невественнаго Угля, Пресвятая Дево Всенепорочная.

Седален, глас 1.

Подобен: Камени запечатану:

Плоды Богознания возделав труды твоими, из корене безбожия исторгл еси остны* /; и мастию помазався Богодетельною, упасл еси люди, священниче; / и, законно пострадав, сугубых почестей, Карпе, сподобился еси. / Слава Давшему ти крепость; / слава Венчавшему тя; / слава Действующему тобою всем исцеления.

Слава, и ныне, Богородичен:

Руце Твои Божественнии, / имиже Создателя понесла еси, Дево Пресвятая, воплощагоя благостию, / простерши, умоли Его избавити нас от искушений, и страстей, и бед, / хвлящих Тя любовью и вопиющих: / слава Всельшемуся в Тя, / слава Прошедшему из Тебе, / слава Избавльшему нас Рождеством Твоим.

Крестобогородичен:

Агница на Кресте Агница зрящи, / с разбойником распинаема Тя, долготерпеливе Слове, / и копием в ребра прободяема, / восклицаше, вопиючи матерски: / что странное и ужасное, Иисусе Мой, таинство, несказанно совершаемое? / како покрываешься гробом, Неописанный Боже? / да Мя, рождшую Тя, не оставиши, Сыне Мой Сладчайший.

* остны — жала

Песнь 4

Ирмос: Гóру Тя, благодатию Божиею приосененную, / прозорливима Аввакúm усмотрív очýма, / из Тебе изыти Израйлеву / провозглашаше Святóму / во спасение наше и обновлénие

Нерешíмою связан любовию Создавшаго, каменобиём яве, Папíле, мучениче Христов, / победил еси метающия терпением Богодаровáнным ти, всехвальне, / мужеúmно с завистию борýся.

Ко всякому виду болéзней, дóблественнейшии, ополчистеся, / к зверём ввёржени бывше, кúпно тýя победíte, / якоже Данийл, Божественными образы веры, / Кáрпе и Папíле, мученицы славнии.

Сый злобы обретáтель вселукавый Христовы угодники немíлостивно пожжéнию негасимому предает, / ослабíti их силу мнев, / но испепелишася того коварствия.

Богородичен:

Пристанище спасения, Дево, Тя íмамы, / иже в пучíне лютых обуреваемии всегда: / к Тебе прибегаем и на Тя уповаем, / да не убоимся невидимых врагов навéта.

Песнь 5

Ирмос: Просветívый сиянием / пришествия Твоего, Христé, / и осветивый Крестóm Твоим мира концы / сердца просвети светом Твоего Богоразúмия / православно поющих Тя.

Ни бед гонения, ни глад, ниже смерть / разлучи от любвé Христовы Богомудрых, / но усёрднейше воздáния предзряще, неудобных нерадиша.

Вжилýеми Божественною силою, / претерпéсте лютéйшая повертéния стоп, всехвальнии, / путешествующе свидéтельства / и жáла безбожия сокрушающе.

Неугасимый светíльник страдания носýще, / претекóсте невéжества ношь, мученицы, / и Свету приближишася невечернему, / яко дне íстинно сынове верою.

Богородичен:

Зачалá еси неискусомúжно Бога Невместимаго, / родила еси Преестéственного

Создателя естества./ Вѣлие таинство, недомысленное чудо, Дево Едина Пренепорочная.

Песнь 6

Ирмос: Обыде нас послѣдняя бѣдна,/ несть избавляй,/ вменихомся, яко бвцы заколенія,/ спаси люди Твоя, Боже наш:/ Ты бо крепость немощствующих и исправление.

Благоухают ваша добродѣтельства человеческим сонмом,/ злосмрадіе отгоняще яве многобожия, достославнии:/ ибо Божие ныне благовоние явистеся, мученицы.

Возгараемый пламень росю веры погасите, блаженнии,/ и возжгосте желание тепле, Агафонике сущей с вами благославными,/ с неюже мужественне страсти совершите.

Обоцряемы болезней приложеньми, Кáрпе и Папіле, доблии страдальцы,/ мечи истинно небокованнии явистеся, вражия ополченія секуще.

Богородичен:

От тины страстей и от рова падений воздвигни мя/ и управи раба Твоего, Чистая, исповѣдающаго Тя, Богородицу:/ Ты бо еси присно падающих исправление.

Кондак, глас 4.

Подобен: Вознесыйся:

Яко сокровище многоценное, Владыка,/ и источник, источающ токи исцелений,/ сущим на земли подаде мѡщи ваша,/ недуги убо отъемлющия страстей различныя,/ благодать же дающия душам непрестанно./ Темже согласно любовь/ ваше, мученицы Божественнии, совершаем торжество.

Ин кондак, глас 4:

Венченосцы явльшеся днесь в мире,/ премудрии, с Кáрпом Папіле,/ просвещаете всех,/ иже верою и веселием чтущих память вашу.

Песнь 7

Ирмос: Тебе умную, Богородице, пещь/ рассмотрим, вернии,/ якоже бо отроки спасе три Превозносимый,/ мир обнови во чреве Твоем всецел,/ хвальный отец Бог и препрославлен.

Юношески страстей пещь воздержания росю погасивше,/ огонь же кровми страдания,/ второе, мученицы, идольское огнище испепелисте,/

хвальнаго воспевающе Бога и препрославленнаго.

Станем, се отвѣрзеса трїзнице, не ослабѣем, / свыше Христос венцы терпения мучений ради яве подаёт живоначальнойю рукою, / взываху страдальцы усердною душею, Карп и Папила.

Иже к Богу всеобразным, святии, мановением обожаеми яве, / безбожных раны удобь претерпесте, / якоже иному страждущу истинно сами пребывающе, / хвальнаго воспевающе Бога и препрославленнаго.

Богородичен:

Евы, Чистая, наша праматере, проклятво разрешила еси яве, / благословения Начаток рождши, Всенепорочная Отроковице Брако-неискусная, / Егоже благословят чїни Небеснии, / хвальнаго отцев Бога и препрославленнаго.

Песнь 8

Ирмос: В пещи отроцы Израїлевы, / якоже в горниле, / добротю благочестия чистее злата блещахуся, глаголюще: / благословите вся дела Господня Господа, / пойте и превозносите во вся веки.

Светоносная днесь нам память мученик, / светом целений озаряючи нас, вопиющих, возсия: / благословите вся дела Господня Господа, / пойте и превозносите во вся веки.

Украсился еси, яко архиерей, яко Божественный пророк, / яко свидетель страстей, всеблаженне, Христовых, / яко Божественное знамение, воспевая, Карпе всеблаженне: / Господа пойте дела и превозносите Его во веки.

Токи твоих страдальческих кровей, потоки конечно безбожия потопльше, / источник целений явшася вопиющим, Папиле мучениче: / Господа пойте дела и превозносите Его во веки.

Богородичен:

Священный Ты Божественных пророк лик / проповедает Матерь бывшую, Всенепорочная, Божию, / Емуже вси зовем: / благословите вся дела Господня Господа / и превозносите Его во веки.

Песнь 9

Ирмос: Образ чистаго Рождества Твоего / огнепалѣмая купина́ показа неопáльная, / и ныне на нас напáстей / свирѣпеющую угасѣти молимся пещь, / да Тя, Богородице, / непрестанно величаем.

Якоже приношения всецѣлая, яко жертвы совершенныя и непорочныя, / принесóстеся Творцу, всеблаженнии, мечѣм кончину приѣмше, / и ныне, венценóсцы, на Небесѣх житѣльствуете.

Столпѣ неборимии явѣстеся Церкви, мученицы, и забрала, / истóчницы, вóды исцелѣний пролива́ющей, / и светила светозарная и всесветлая, / нóщи из греха благочестивыя избавля́ющая.

Ужé к самѣм вселѣвшеся светозáрным селѣнием и Небесным, / и светлостьмѣ Божественными просвещáемыми, / и радости присносущныя исполня́емыми, / о Папѣле и Кáрпе, за ны моли́теся.

Богородичен:

Нóсиши на объ́ятиих, Пречистая, Херувимски яко Престол вся Носящаго, / плотию нас ради по нам обложѣвшагося и сугуба прóста вѣдимаго, / Егоже всегда моли о нас, воспевающих Тя.

В
ТОЙЖЕ
ДЕНЬ



**Преподобнаго Вениамина,
в Дальних пещерах почивающаго**

Тропарь, глас 2:

Добр купец бысть, Богомудре Вениамѣне, / богатство бо свое тленно раздав, / купил еси оным нетленное в Царствии Небеснем, / в немже ныне тамошних благ наслаждаяся богатне, / проси нам мира и велия милости.

Кондак, глас 8:

Куплю житейскую яко тщетную оставль / и шед, купил еси себе многоценен бисер Христа, / Емуже во иночестем образе / труды и подвиги, безменством же и послушанием, преподобне Вениамине, благоугождая, / приял от Него велию и богатую милость.